

کتاب طیب

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلاء زین العابدین

تاریخ تأسیسی

۱۳۳۰

عدد : ۱۱ ۲۸ شوال سنه ۱۳۳۰ پنجشنبه ۲۷ ایلول ۱۳۲۸ برنجی جلد

يادماضي

— مایه —

سلطان مراد خامس جلوس کونی صباحلین ارکندن بولندیفی محلدن بغته چیقارلمسندن ناشی بعض مرتبه وهم و تلاش ایدرک مزاجنده برانحراف حاصل اولدی و عم امجدلرینک صورت ارتحالی حقنده کوشزد شاهانه لری اولان خبر الیم دخی بوکا انضمام ایتسیله انحراف مزاجی مشدد اولوب نهایت شعورینه تأثیر ایتدی . ندایسنه اعتنا ایدلایسه ده کارکر اولدی . بو فوجیه نا کهظور دولتک استقبالنجه امید ترقی بسله یں برخیلی متفکرین وطنی غریق یأس واسف ایتدی . خاقان . ششار الیهک جلوسندن ایکی اوج ماه کچر کچمز تخت سلطنته سلطان عبدالحمید خان ثانی اجلاس ایدلای . جلوسندن درت ماه قدر صکره مدحت پاشا مقام صدارته گلشیددی . ارده دن تقریباً ایکی بیچق آی یا کچدی یا کچمدی ، برکون بردنبره طولمه باغچه سراینه جلب ایدیلرک بدندن مهر صدارت اخذ ایله عزل اولندقدن صکره حاضرلانش اولان عزالدین واپورینه ارکاباً آوروایه تبعید قلندی . کمال بک مرحوم محرر فقیری برقاچ کره مدحت پاشانک قوناغنه کوتوردیکندن مشارالیه ملاقی اولمشیدم . افکار ومطالعاتی سربست وسلیس شرح وتقریرایدر بردولت آدمی کوردم . مجلسنده سویله ن سوزلرھپ تزايد شان وشوکت دولته دائر ، جریان ایدن بحث ومذاکره لر وطنک اسباب عمران وسعادتته متعلق ایدی . اوایله بر وزیر اعظمه بعض حصاد بدطینتان و دشمنان بدخواهانک القاسیله متماداً حقارت ایتک روامی ایدی ؟

او وزیر اعظم که

نیش ایالتی ، امور اقتصادی و ضابطه سی مختل . . هرجهتدن ایالتی قطاع طریق صارمش . . اهالیسی فقر وفاقه ایچنده یوزبور . . محصولات ومعمولاتی سوق ایدمه جک یوللر یوق . . مطلوبات امیریہ ذم مکلفینده متراکم بر حال پریشانیده ایکن اورایه والی تعیین اولنمسیله برنجی حمله ده هرطرفه قوللر سوق ایدرک اشقیایی اخذ واستیصال ایتدی . شوشه یوللر انشا ویاپیلاں یوللرده پوسته و یولجی طاشیمق اوزره عربہ شرکته تأسیس ایلدی ، بوسایه ده محصولات ومعمولات محلیه اوتیه بری به نقل ایدلمک باشلامش ایدی . نهرلر اوزرینه صغیر وکبیر برچوق کوپرلر انشا وبعضارندن خرقلرکشاد ایلدی ، قره غوللر

حبسخانه قشله اصلاحخانه کبی مبانی ومؤسسات وجوده کتوردی ، دها بوکبی وسائط واسباب ایله ایالتی مدت قلیله ظرفنده معمور وآبادان ایتمش ایدی .

او وزیر اعظم که

اوج سنه ظرفنده نیش ایالتنجه مشهود اولان آسایش وترقینک درجاتی باب عالینک بحق تقدیرنی استجلاب ایتسیله اخیراً سلسره وودین ونیش ایالتلری برلشدیریلهرک طونه نامیله تشکیل قلنان ولایتہ نقل مأموریت ایلسی اوزرینه برطرفدن ولایتک تشکیلاتی اجرا ودیگر طرفدن امور مالیہ ایله قوۃ ضابطہسی اصلاح وترتیب ودیگر جهتدن شوسه یوللری انشا وعربہ شرکتلری وبرطرفدن منافع صندوقلری تأسیس ایدرک ولایتی لوٹ قطاع طرفندن تطہیر ایلدی . سرمایہلری اخیراً بشیوز بیک لیرہہ قدر بالغ اولان منافع صندوقلرینک زراعه ثمرۃ تسہیلاتی اولهرق مہارجہ جیلرک ربقۃ اسارتندن بیچارکان اهل زراعت قورتلدی . محصولات سہولتہ وکمال امنیت ایله داخل وخارج ولایتہ ہرآرزو اولنان محلہ کثرت وکلیت اوزرہ نقل ایدلسیله عموم سکنۃ ولایت آز وقت ظرفنده اکتساب ثروت وغنا ایتمش ایدی . مقرر اولان ورکوبہ واعشار ورسوماتہ ہیچ برضم وقوع بولمقسنین مجرد ترقیات طبیعیہ نتیجہسی اولهرق واردات خزینہ یوزدہ الی نسبتندہ تزايد ایله برملیون سکز یوز کسور بیک لیرا رادہ سنہ واردی . ولایتک برحقو محللرندہ حکومت دائرہلری انشا ایلدی . محال متعددہ سنندہ خستہ خانہلر وتربیۃ اطفال وایتام ایچون اصلاحخانہلرکبی مبانی خیرہہ وجودہ کتوردی . زمانندہ عربہ شرکتلری طرفندن عربہ وقایطونلر اعمال اولندیفی کبی اصلاحخانہلرہ دخی تریزلیک وقوندرہ جیلق ومرتبلیک ویلطوغرافیا جیلق وعربہ یایجیلق صنعتلرینہ متخصص شاگردان یتشدیرلمش ایدی . طونہ نہرینک تجارتی آوستریا واپورلرینہ منحصر قالمش ایکن اراضی خالیہ تقویضندن حاصل اولان مبالغ ایله واپورلر مبیامہ وادارۃ ہریہ نامیله برہیئت اداره تشکیل ایلہرک طونہدہ واپورلر ایشلندی . ولایاتدہ ایلک غرتہ اولهرق طونہ اسمندہ بر غرتہ احداث ایلدی . ولایتک سواحل وحدودندہ اہالیدن قرہ غوللر تشکیل وترتیب ایدرک خارجی اشقیایہ قارشو برسددید چکمش ایدی . الحاصل امن وآسایشی وطریق ترقیدہ واصل اولدینی مراحل اعتباریلہ خیرخواہان دولٹک نظر حیرت وتقديرینی جلب ایتمش اویلہ برولایت حصولہ کتوردی کہ سائر ولایات عثمانیہنک تشکیلی ایچون دولتجہ نمونہ اتخاذ

قلندی واسلاو جمعیتلرینک خارجده کی شکایات و تشبثاتنک انقطاعه اوقدر بادی اولدی که جمعیتات مذکوره غیظ و حدتله فورانه کله رک پاشانک برقاج دفعه اولومنی قصد ایتدیلر .
او وزیر اعظم که

طونه دن پایتخت سلطنت سنییه چاغریله رق شورای دولت ریاستنه نصب اولمشی اوزرینه شورانک تشکیلاتنه تثبیت ایله آز وقت ظرفنده تنظیم واکال ایلدیکی کی در سعادته مکتب صناعی تأسیس و امنیت صندوقی احداث ایتدی . مکتب صنایعه واردات اولق اوزره غلطه ده کی قومیسون خاننک اجاره سنی مکتبه تخصیص ایلدی . صندوقک تمتعات صافیسی برزمانلر یکر می بیک لیره نی تجاواز ایدرک صندوقک سرمایه سینه ضم و علاوه اولمش ایدی .

او وزیر اعظم که

شورای دولت ریاستندن التنجی اردونک نظارتی انضامیه بغداد وایلکنه مأمور اولدی . اوزمان بغداد دخی نفس بغداد و موصل و شهر زور و سلیمانیه و دیلم و کر بلا و حله و بصره و عماره و منتفک سنجاقلرینی شامل اوله رق بر ولایت اعتبار اولمش ایسه ده اصول و قواعد ولایته دائر برشی یاییله مامش و منتفک حکومتی ده التزام صورتیه مقطوعاً ناصر پاشا عهده سینه تفویض ایلمش اولدینی کی اردوده اسمی وار وجودی یوق بر حالده بولمش اولدیفندن بر طرفدن تشکیلاته و دیگر طرفدن بر طاقم رسوم مضره ناک رفع و الغاسیله بغداد جوارى اراضیسی و باغچه لری محصولاتندن عشر شرعی اخذینه باشلادی و دیگر جهتن قرعه کشیده سیله عسکر یازدی . بواره لق بغدادده براغتاشاظهر ایتمشدی اتی در حال باصدیردی ، هموند اشقیاسی کی ولایتی صارمش اولان قطاع طریقکده وجودینی قالدیردی . بر طرفدن اراضیه تصرف خصوصنی یولنه قویه رق ولایتک عمرانیه و سکنه سنک رفاه و وسعت معیشتنه خدمت ایتدی ، بوسبیلله واردات خزینه برقاج مثلی آرتدی . دجله و فرات نهرلرنده ایشله مک اوزره واپورلر اشترا ایدوب واپورلر دجله ده بغداد ایله بصره و فرانده بغداد ایله حلب ولایتی داخلنده واقع مسکنه ارمهنده سیر و سفر ایتسکه ملکتنک محصولاتی خارجه و خارجدن جلبی اقتضا ایدن اشیانی داخله نقل ایله رک بو وسائط ایله ده پاشا خطه عراقیه ناک عمراتی تزئید ایلدی . بغداددن بر بحقی ساعت مسافه ده بولنان کاظمیه قصبه سینه قدر تراموای انشاسی وینه بغدادده

امنیت صندوقی احدائی کبی امور نافعه واقتصادیه به بذل همت ابتدی و برطرفدن اصلاحخانه و خسته خانه کبی مؤسسات خیریه وجوده کتوردی . نجد قطعه سنی فتح ایله ولایته جسیم برقطعه بی الحاق ایلدیکی کبی بصریه بحرأ الشمس میل مسافده بولنان کویت قصبه سنک دولت علیه به تابعیتی تصحیح ایدرک کرک بوراسنی و کرک نجد قطعه سنی طعمه احتراصات اجانب اولمقدن قورتارمش ایدی . الحاصل دهها بوکبی نیجه آثار و تشبثات عمران پرورانه ایله خطه عراقیه بی اوزمانلر بر مصر ثانی حالته تقریب ابتدی .

پاشا ولایتک تدویر امورنده اول قدر انتباه اوزره بولنیور ایدی که اول زمان مفتی بغداد بولنان او عالم نکته پیرا زهاوی مرحوم پاشایی کندیدندن سوران بر ذاته جواباً بالبداهه « لاتأخذ سنة ولا نوم » دیمش وهر درلو تشریح مقصدی احاطه به کفایتده معادلی بولنمیان بو اقتباس ظریف ایله پاشانک درجه قصوای اعمال و انتباهنه نه حکیمانه اشارت ایلش ایدی . خلاصه ، مدحت پاشا بر فکر کزین ، بر دست آهنین ایله تدبیر و تقلیب اموره قادر بر دستور مفخم ایدی .

دولتنه وطننه اولان صداقته و علو مرتبه سنه جلالت آثاری حسن شهادت ایدن سرامدان رجال بنامدن بویه بر ذات ساهی همت بالوجوه واجب الاحترام ایکن برطاقم واهمه لره قایله رق افناسنه قیام ایتک بنیان دولتک هدمنه چالشمقدر دیمکدن بشقه نه صورته تفسیر اولنه بیلور . کورمدکی که روسیا قرالی برنجی و یلهلم باش وکیلی پرنس بسمارقه اولانجه احترام و التفاتی بذل ایتکله پرنسک شوق و عزمی ارته رق روسیا قرالغنک نجم اقبائی المانیا ایمپراطورلنی اوج شوکتنه اصعاد ایلدی . بوکا مقابل بزده مدحت پاشا کبی اعظمک محو ایدلسی ملک و دولت حقنده الی الآن بتون امتی نالان ایدن نه قدر مضر نتیجه لر تولید ایلدی .

پاشانک [دیشاتور] لك هواسنده پرواز ایلدیکنه متدائر سوزلر ، امثالنده دفعاتله مشاهده ایلدیکی اوزره . جلالل افعالی چکه میان حسودانک اقوال مزوره سنندن بولندیغه ، پاشانک عامه جه مصدق اولان سلامت عقلی شهادت ایدر . خاندال آل عثمان حضراتی کبی بو دولتک شوکت و احتشامنه وجوه ایله مآثر مبعجله سی سبق ایدرک قلوب امتده محبت و حرمتلری جایگیر اولمش بر سلاله نیجه قدیمیه خلف اولمنی هانکی عاقل خاطرینه کتوره بیلور . برکیمسه بالفرض بویه برخیال نا معقوله پیرو اولسده افراد

امتنان هانكي بر فرد صادق وعادل كندينه شريك اولور . ملك ودولته خادم اعظم رجالك اوفاق تفك خطيئه لری اولسه بيله انلارك عظمت اعمالنه خدمات مشكور مسنه باغشلا نملی در .

استطراد

مدحت پاشانك او وزير خطيرك سلامت وسعادت وطنه مصروف هم عاليه سی یاد اولند قجه انسان نه قدر لبریز نشوه غرور اوليور سه شمدي يه دك اهل وطندن اكا مانند بر فرد ظهور اينديكي تفكر ايدلديكه كوكل حزن وكدرله اول قدر جوشيور . . . اراضی معطل ، زراعته اعتنا ايدليور . . . كار كاهلر منيوق ، ايكنه دن ايللكه وارنج يه دك بتون حوايج ضروريه من بلاد غريبه دن كليور . . . لزومي درجه صنايع مكتبلر من مفقود ، بونجه بيجاركان اطفال مملكت آواره كزيور . . . يری ماللرندن كينوب قوشاعق تشبثلريه حالا منتعم دكلز . .

كلك اخوان وطن جبر نواقص ايدلم
بزده ايللر كي كلزار صفايه كيدلم

پاشانك آورويايه تبعيدندن اقدجه محروم فقيرك اوچ بيك بشيوز غروش معاش ايله مجلس معارفده منحل اولان اعضالغه تعيينم انها اولنه رق تذكره سی عرضه كيدرسده پاشا برنديزي يه آتلدینی كي تذكره دم عدم آباد فراموشي يه آتيلور . اوچ سنه ايكي ماه امتداد ايدن اغترابمز اسنده عالم دكشمش . . درس شريكلر مدن كي مي مسلكنده ارتقا ، كي مي سي ديكر مخارج فيضه سلوك ايتمش . . راهبر فيض اولان اسانده كرام جهان فاني يه وداع ايتش . . استانبوله عودت ايدمل ايسه طقوز اون ماهه واريور . . نهميه جغم ، هانكي مسلكه سالك اوله جغم . . متحير قالدلم .

لحرره


نه معيشت نه تسلي نهره فيض وعلا وار
يوقی يارب بوشب مظلومه بر صبح عنايت

يوقاريده اسمی نكاشته صحيفه تكريم قلنان الحاج ابراهيم افندی مرحومك بركون زيارتنه كتمشيدم . مكر مرحوم اول تاريخده داخيه ناظري بولنان جودت پاشانك قوسقه دم

مقیم بولدینی قوناغه کتمک اوزره مهیا ایتیش ، بن عودت ایتک ایستدمسده قویورمدی ، الحاح واصرارینه مبنی برلکده پاشانک اوتوردینی قوناغه کتدک ، بی پاشایه تقدیم ایله برابر اثناء مصاحبتده بر مکتوبجیلکه تعیینم خصوصنی اچدی . پاشا : قوصوه مکتوبجیلکی آچیقدر ، اورایه انها ایدهلم بیوردی . بن بو عنایت نا کهظهوره تشکرله برابر او وقتکی فکر مخصوصه کوره کویا اصول ادارهده رسوخ ومارسه پیدا ایتک ایچون برملکده قائممقاملغنه طالب اولدیغمی عرض ایتدم . پاشا : پک اعلی اولور دیدکدن صکره بالتصادف یاننده بولنان نظارت مستشارینه دونوب زره لری اچیقدر دیه سوردی . عربستانده چوله قریب بر محل خبر ویردی . جودت پاشا تبسم ایدرک اوراسی رکوب و نزوله حرب و ضربه مقتدر بر قائممقام ایستر دیمسی اوزرینه مستشار اقشهری سویلسیله پاشا : تام مناسبدر دیدی و محرر فقیره بر التفات مطایبه کارانه اولمق اوزره : خواجه نصرالدین مرحومک پارلاق مناقبتدن ایسترز بیوردی . هر اثری علم و فضیلتنه برهان جلی اولان جودت پاشانک علامه زمان اولدیغنه دائر اعتقادم اوکونکی ملاقاتدن عین الیقین درجه سنه اعتلا ایلدی . .

[مابعدی وار]

برکت زاده اسماعیل حق



اجتماعی دردلریمزدن ازدواج مسئله مهمه سی

برمت ، بیکلرجه ، ملیونلرجه عائله لک طوبلانمیسندن حصوله کلش برهیئت اجتماعی در . بویله برهیئت اجتماعی نك بقای حیات وادامه شوکتی ایسه هیئت تشکیل ایدن عائله لک احوالیه علاقه داردر . کرچه بوخصوصده تاریخی سیاسی داها بر چوق عامللر وارسده عوامل مذکوریه بی تولید ویا تأثیرلرینی تزید و تنقیص ایدن مؤثرک بالخاصه احوال اجتماعی اولدینی شبهه سزدر .

دینچ ، آهنگدار و مسعود عنصرلردن یعنی عائله لدن مرکب اولان برملت محنه جدالده